

沈山人續編詩叙

沈山人伯南在吾揚之與化之令族也少得雋才尤精於氣子業思與山人同游以茲時見之貌有志於科名大為可望所屬賦而屬素不第遂接筆歎曰吾友中自有樂地何庸庸於此為利為於于是退耕於東湖之曠日以莠書立言為事不復有



仕色意亦泐無存矣業迺山人極息  
花悅家也四語皆樵漁耕牧之地凡  
市朝一切喧蕙之語俱不及耳矣業  
築當東海之陽實內一足風景之會山  
人遊息之所神交心契者有泐於泐  
壩風物之穠多實多故其詩多爲詩文  
騷雅不率淵源莫測左端有詩  
曰或在溪山人之詩心視淡雅上以

沈海法多家不率持然山人詩者亦  
多集刊行已久多候編有子七言律  
詩絕句有楚詞樂府歌行古沈法篇  
愚家居時嘗有約言於山人即是山人  
以書檢愚吾遂則也此者平憲在焉其  
刻之以隆五方之具心言存法至首後唯  
山人嘉言善行具見矣集者  
大完伯石荒集公之贊

蜀太守之使卷宗公之叙在浮正無差  
嘉波河之刻及鼓事唯拜乎以志  
年月云爾 告

素持筆次甲子九月望日

西望山人王中孚抄書

南宮之友舍

沈山人續集目錄

一卷楚詞

四珍 四首

長相思

夢遊天闕吟

瑤琴七掩 七首

琵琶三弄 三首

燕來巢 二首

谷返招

玄蟬吟

二卷樂府

橫塘詞

行見月

古意

東方未明



國家圖書館 NATIONAL CENTRAL LIBRARY, TAIWAN, R.O.C.

白苧詞

慈母石

楊白花

胡騰兒

烏夜啼

艾如張

君馬黃

羅噴曲

隴頭水

君馬黃

自君之出矣

長相思

竹間路

遼西

斑竹枝

穆護砂

蕭條琴興

直鈎

擬古龜雖壽

丁都護

田橫曲

踏歌詞

三卷五言古詩

閒適 三首

吊宗憲副子相

贈盧首乾

贈潘啓明

自述

卜葬仲子不遂

擬古七哀詩

寄宗竹岡

悼新河令顧一仕

種菊

種菊

自訟 二首

知命 二首

四卷七言古詩

題畫

壽俞光祿八袞

寄孔平徐一丈

河畔水懷許性之 二首

懷王一子寅

寄胡二廣文

喪家犬

長歌行

貧家女兒曲

孫家婦

趙早妾

喜雨戲東李石鹿

壽劉一丈

玉斗歌

趙比部席上賦

送道者入山

送金畫史壽親南歸

寄徐仲業

五卷五言律詩

喜盧潘二文學見訪 七首

蓉翁兄炙艾

謝宗弟潤甫

宿牛首寺

遊祖堂

登獻花臺

宗比部招飲徐氏園亭

雨花臺

宴韓正郎官舍

夏日漫言 二首

池荷

村暮

苦雨 二首

贈江右凌公十 二首

荅黃學究 二首

遣興

寄許上舍

憶西隣 二首

菊譜成有作 三首

送王化遠會試 二首

送袁子雲會試 三首

會飲王化遠宅 二首

哭姪 二首

哭姪孫 二首

村居 二首

懷北 二首

東潘啓明 二首

湖上

兄至 二首

秋風

懷俞仲貞 二首

懷宗太守 二首

寄宗子培 二首

與劉國珍宴李氏園亭 二首

新飲李鴻臚宅 二首 喜俞仲貞選歸 二首

解應儒母夫人壽 二首 袁使君應擢東歸 三首

寄許性之 二首

秋雨妬菊蹙然興懷二首

懷人

泛舟

送盧首乾設帳海上二首

觀樵二首

種菊二首

病犬

雨餘惜菊

淫雨望李使君二首

雨餘寄城中諸友二首

積雨二首

六卷七言律詩

白下留別宗子培 宿真州

夜過揚州懷俞氏弟兄

悶

憶宗子相二首

寄徐少府二首

寄李尚寶二首

湖上喜俞仲式過訪

寄胡僉憲二首

苦雨寄解行人

寄袁二進士

寄進士王三丈

寄令尹鄒若虛

寄石廩官拜秩宗二首

寄舍弟潤甫二首

高子明過訪

懷盧首乾

同凌公十柳下觀蓮

村曠漫成東陸約之音

寄徐養浩 小園對菊音

與陳其善湖上泛舟音

獨坐 胡廣文泰安將歸

夏日赴曹廣文飲 憶宗學憲子相

憶頌行可 谷王南宮

谷素濱州 袁氏二秀才見訪

寄許令尹 賞菊音

柬陸子和 東陸引之

送凌真吾歸新建音 觀樵有感音

陳元卿病愈音 東李鴻臚音

寄徐殿元音 悼徐言夫音

贈李山翁 從叔杏翁八十壽

寄王經歷 對菊

七卷五言排律

秋思 送盧首乾設帳海上

贈郭仲源 中秋憶仲子

李封翁夫婦雙壽



八卷七言排律

秋日訪徐沈二隱君

九卷五言絕句

治隴音

幽樓音

田家音

秋夕

重憶菊音

小憇

觀書

垂竿

陳節推留飯

春遊

夜坐

蕩槳

懷人音

短恨音

齋心

短劍

偶成音

西樓

古意

秋月

閨思

巧雲音

山中訪支不遇音

塞上曲音

獲鯉

閨情音

送道者入山

滿斗

憶姪音

憶子音

國家圖書館 NATIONAL CENTRAL LIBRARY, TAIWAN, R.O.C.

憶衡孫

自遣二首

書懷二首

夏日二首

甲子第八孫生

十卷七言絕句

寄陳元卿四首

將過西壽觀獲

淫雨二首

與李鴻臚夜話四首

劉一丈誕辰四首

遣興

秋懷

秋光

送徐汝賢之京五首

秋思

送道者入山二首

村居即事二首

野人貫酒

失瓜

秋曉

漁者

望胡二丈不至二首

惜菊二首

賦得努力加餐飯

採蓮曲

田婦

悼李鷹

幽人

曉窓明月

布衣可終身

良時無停景

非必絲與竹

門有車馬客

湖上雜言

獨坐

種菊三首

夜坐

草堂獨坐

悶



國家圖書館. NATIONAL CENTRAL LIBRARY. TAIWAN. R.O.C.

沈山人續集卷之一

楚詞

四珍

子雲袁孟龍遊燕

化遠王中孚校梓

我所珍兮紫石潭龍池春暖生波瀾狸毛飲汁  
金星寒削鰲深海延陵劍徒步贈之情戀戀硯  
兮硯兮徒爾竒范喬不見空傷悲

我所珍兮綠綺琴踈屏月色冷陰陰野猿沙鶴  
共知音武陵常恐徵書至黃鵠高飛龍早逝琴  
兮琴兮且括囊南風滿院卧羲皇

我所珍兮尚父竿  
單衣短布夜漫漫  
巨鰲何處滄溟乾  
玄蟬叫落一天露  
青溪嫋嫋無人度  
竿兮竿兮爾莫愁  
安車不來天際頭  
我所珍兮太乙舟  
白雲滿地涼颼颼  
漢水中央多好仇  
長風吹雪落萬里  
童子晝眠呼不起  
舟兮舟兮任所之  
剡溪恐是夢酣時

長相思

懷佳人兮聘鳳皇  
於碧海之青天  
垂羅舞縠勻鉛粉  
鴉黃蟬綠鬪鮮  
芳華高兮隔花語  
翠被

寒兮不成眠  
遊絲牽惹合歡枝  
冰盤折藕兩相思  
情默默兮掩淚各惆悵  
而懷疑天涯別去魂  
夢遠繡戶欲歸兮  
徒傷悲月纖纖兮  
難忘羅衾寶幔帶餘香  
行雲兮冉冉流水兮  
茫茫不願為赤霄孤飛之鸞鳳  
願為清池交頸之鴛鴦  
嬌面兮昔含羞蛾眉兮  
今攢愁得成連理  
不畏死飛花片片使人憂

夢遊天闕吟

七月七日秋夜長  
乘風掉臂紫微傍  
銀河水落

半在地迴星轉斗天茫茫忽逢赤城之真人傾  
懷倒素語諄諄飛雲繫我足紫烟覆我身殄霞  
飲露坐東井白榆拂衣眠北辰鳳翔烟濤龍吟  
青冥羲和攬轡望舒列輶霓受風兮黯黯雲歆  
雨兮青青嗟余元是神仙侶誤將寶劍干明主  
豈虞明主網羅踈赤霄忽墮參差羽此夕竟何  
夕松風噓歷歷白玉樓中登薄軀青蓮會底分  
春色囉嗟噉胡為乎有此夢哉寂寂山房仍碧  
草茅簷水濕生游苔人生樂事只如此何須臨

生悲哀

瑤琴七掩

瑤琴七掩悲已志也總角聞道白首無成

秋園蕭瑟怛然內疚

左余之無裨於世兮實為虛生悔時命之弗登  
兮務博譽而饜情憫修姱之不逢兮日徂月征  
念美人之各天兮淚下沾纓瑤琴一掩兮恨未  
平秋風入我戶兮雲晶晶

岵岵之危兮草木蕭蕭北風其涼兮猿嘯鳥號

昔考覽余之峻茂兮匪艾與蕭緣佩余以芳馨  
兮惟蕙與椒母也天只兮山孰與高門戶卑兮  
撫諸孤於寂寥瑤琴二掩兮恨難消羌余之壹  
鬱兮心忉忉

朔風逼我戶兮鴻鴈高翔忽背飛而改路兮各  
天一方義節乖違兮志意傷思續紛兮心徬徨  
緬墳箎之並奏兮鸞駕鳳昂幸素髮之未凋兮  
仍綢繆而頡頏瑤琴三掩兮流恨長草叢叢兮  
生池塘

惆悵伏雌兮執爨爨而長泣徘徊短鋏兮抑携  
竿而抱瑟憤乘孤之弗試兮曷不毀其殼率豈  
天下之皆拙工兮胡杓鑿之難入年年洒淚濕  
羅裳歲歲西風吹獨立瑤琴四掩兮鳥飛疾覽  
崦嵫之黯黯數行日

余既覽芳蘭於九畹兮又紉荃蕙於百晦朝飧  
秋菊於芳園兮暮茹瑤華於翠圃曷為乎雜糅  
而侘傺竟垂翅兮莫與為伍或降於九原而友  
朋咸或升於九霄而比天姥羌棄余延佇乎末

路哀蕪穢兮如孤洲之宿莽  
瑶琴五掩兮不再  
鼓每有良朋心獨苦

喬余之有子兮亭亭乎三槐之堂  
猗繽紛其並  
秀兮皆競進而彌章  
冀杜蘅之與芳芷兮媲美  
乎秋菊之餘香  
怨蒼旻之浩蕩兮忍使余良驥  
之溘亡  
哀余年之已矣兮懼此禍殃  
嗚呼余身於  
斯濟兮曷以相羊  
瑤琴六掩兮摧肝腸  
沾巾淚  
空浪浪

讀義皇之冊節兮夕夜以追嗟  
余孫之無

淮夭夭之草木野有猷敵兮  
架有書俟汶長大  
兮耕以讀孫兮孫兮莫大愚  
殷勤念汝何能穀  
瑤琴七掩兮泪簌簌一天凉  
月照孤屋

琵琶三弄 悲玉嬌

摧玉戶兮撼金鋪  
君王忍愛兮憤羌胡  
顧嬋媛而掩涕兮  
裂畫圖  
匪靈修之故兮  
寧偃恩而服  
誅  
馳驛留兮取長途  
寒曲艱兮馬痛瘡  
朝發漢庭暮躋九陵  
猿狖晝號  
鳴鳥夜鳴  
單于飲我以  
腥酪兮撫我膺  
自揚袍而督行兮  
不暫停吁嗟



手琵琶兮寫此中情一弄張絃揚哀聲

其二

緬長門之寂寞兮我仇衆多沐芳華而對婢娟  
兮撫景而歌縱重華之莫幸兮長錫衣羅頤以  
氈裘而為裳兮摧我雙蛾雙蛾顛顛兮容半減  
佩繽紛而旖旎兮情緒懶以女湏為鏡兮謂余  
不芳咲單于之浪忻兮指為琬琰吁嗟乎琵琶  
兮悲音欸欸再弄茫茫秋夜短

其三

推手為琵琶復手琵琶紫檀槽撥天之涯四絃忽斷  
不可續哀哀血淚濺黃沙琵琶琵琶空復彈單  
于聽之心鼻酸一撥彩雲碎再撥銀河乾黃鵠  
兮杳杳青天兮漫漫芳草兮閤閤玉露兮溥溥  
吁嗟乎琵琶兮莫與為歡三弄悽其飛紫鸞

燕來巢

燕兮燕兮巢我梁鳴喈喈兮栖雙雙與君相識  
何曾忘花雨沾泥泥滓香任君點汚羅衣裳  
燕兮燕兮處我堂玉鈎朱箔任翱翔良人杳隔

山之陽羅帳春風吹錦襠與爾同栖明月光

### 荅返招

秋風淅淅兮茆屋孤高秋水泐泐兮桂楫逍遙  
玄雲泱鬱兮鴻鵠騫舉明月窈窕兮烏鵲歸巢  
蘭有馨兮菊有芳荃可紉兮芰可裳余旣已冕  
冕焉超出乎八表又安用亟亟哉往觀乎四荒  
綺夏非無心乎玉庭之左子陵真有意於帝寢  
之傍吁嗟兮衆芳之不可以蕪穢何不翩翩焉  
返顧而翔翔幸聖哲之揚靈於廟堂兮儼九官  
之穆穆從閔子逃名於汶上兮又奚不可以振  
紛拏之顏倍頽山林之不樂於市朝猶軒車之  
弗珍乎泉谷淮南好士傳賢王八公詞賦聲琅  
琅嗟哉此儔不可作笑對南山歌楚狂

### 玄蟬吟

嘒彼玄蟬於樹間兮洒我以清風颯颯兮嘒彼  
玄蟬於林間兮濡我以瓊露斑斑兮嘒彼玄蟬  
於竹間兮振我以高標閑閑兮羌余行之不與  
世關兮斯與巢由若是班兮信大藥之能駐吾



顏考又何厭手瓜田之執鏡兮

沈山人續集樂府卷之二

橫塘詞

家住橫塘邊舟繫橫塘口日日採蓮歸織織明  
素手游冶經年戀竹枝那記橫塘日出時從渠  
一去不復返無奈翁姑兩鬢絲

行見月

白雲莽莽月初出行子離家三百日看蟾十度  
十徘徊閨中夜夜減清輝漢將承恩玉關道鳴  
金伐鼓青春老孤城獨夜不作悲羽書天馬嘶

芳草我客空傳蕩子名誰令先出漢陽城車徒  
日夜不得息輝輝露彩若為情

古意

念戶玲瓏秋月白芙蓉寂寞夜光碧羅衣冷薄  
抱篋篋歎彈不彈風滿樓轆轤何處斷金井空  
階半落梧桐影飄飄銅雀翠裙裙君王不愛  
羅襦安得移來紫微曲暫停檀板聽欵欵

東方未明

殘月在天東方未明蟋蟀已歇銀河盡傾金碧

枕邊墮蛾眉徹明鎖起來臨鏡掠青螺一日垂  
簾番覆坐

白苧詞

裁白紵歌白紵白紵鬆鬆只宜暑將柰何歌且  
住八月九月風露清家家俱急搗衣聲夫婿衣  
單不堪著况看白紵愈蕭索何當貧病兩相隨  
翁啜粥婆飲藥

慈母石

慈母石空律兕子不來身畔立鬼啼哭猿嘯

哀碧草丰茸花亂開山頭一坐五千載夜夜江  
聲和雨來

楊白花

楊白花開江水寒美人掣碎青琅玕歲歲見花  
還見月黃金肘後不曾看匈奴健如虜驕作白  
題舞去歲班超生八關今年戍卒饑羅鼠夫婿  
生歸未可期楊白花莫亂飛

胡騰兒

胡騰兒未應貪聽涼州詞馬前生縛黃沙地鞍  
上橫拈赤羽旂青絲粉面正年少定遠鞭之鳴  
且咲悲風慘澹聽啾啾胡舞番歌皆絕妙金刀  
頃刻斷羌胡幕下翻為侑酒奴却思舊國歸何  
日泣涕來親牧馬夫

烏夜啼

隴上烏哀吟如訴復如呼誰令夜夜隴中泣起  
傍西窓掩扉立閨中有婦復有親黃口嗷嗷愁  
殺人明夜還飛別隴去如啼切莫語諄諄

艾如張

艾如張機事深我禽飲啄無機心觸之不解增  
哀吟水可犁陸可鋤不勤四體虛居諸余何負  
汝汝負余艾如張還汝盧莫負余

君馬黃

君馬黃臣馬華紫榆關外天之涯雲霾瀚海曜  
靈斜缺騎西征功未賞直教朱紱梟龍沙昔時  
端拱承明殿百轉流鶯開鎬宴今朝臣馬逐君  
行唯聽胡笳啞啞鳴君馬黃臣馬華秋風背菊  
忘還家

羅噴曲

即行久不歸轆轤明落暉一轉一惆悵再轉再  
徘徊

旭日上高臺柴門臨水開春光九十日日日望  
即來

經時不見月見月即便拜檀即何處樓忽自解  
裙帶

隴頭水

流水晚來急橫塘花亂飛曾經渡即去不見渡

卽歸

浮卽隴西去經年音信稀相看猶不厭謝爾浣  
卽衣

君馬黃

君馬黃臣馬碧鍾浩不來孤九辟芙蓉闕下列  
千官兩馬金堤如合璧銀匣匣錦模糊叢叢嬌  
鳥喚屠蘇承恩未了金烏墜又進宵遊魏國圖  
自君之出矣

自君之出矣不採水中蓮博得羅衣濕橫塘多

少年

自君之出矣不採陌頭桑一任春蚕死怕逢遊  
冶卽

長相思

懷揚州故人

客堂夜夜秋風起懷君念君三百里扁舟長繫  
野堂雲和江盡瀉天河水憶昔逢君海月樓錦  
屏楊柳弄春柔琉璃光泛徘徊醉寶鴨香生紫  
翠浮谷口故人書斷絕文園不起相如渴交情  
無限漏聲沉坐聽征鴻過天末噫嘻吁細話當



年事可傷 葵花零落 午橋在 此夜相思 更何益  
空令白髮鏡中長

竹間路

竹間路通何處 買舟莫向長干去 長干市裡落  
花多家家皓齒 發青娥妾有羅衣 君賣取 休教  
輕唱 虞多歌

遼西

秋去霜風遠 書回塞鴈遲 吹笳坐寒夜 是妾搗  
衣時

斑竹枝

斑竹枝生九疑 英皇蹙損雙蛾眉 血淚斑斑宛  
然在 洒向竹枝光陸離 此斑何日滅 天地有窮  
時 一望蕭關堪白首 每臨粧鏡數青絲

穆護砂

拾翠凌碧波 荷香雜衣麝 寄語隴頭人 歸來荷

已謝

蕭條琴興

烟樹深深鎖碧峰 朱絃蕭瑟晚樓空 五千言外

雙瞳倦三十年来萬事慵湘水泠泠秋月白指  
間曾落文君魄杜陵草閣亦虛聲虞舜清宮摠  
陳迹琴兮琴兮負爾心我與不來空好音細雨  
濛濛秋欲盡桐花半落淚沾巾

直鈞

稚子敲針曲曲彎嚴陵未老已投閑不知釣得  
虛名否帝座何如七里灘我欲直鈞不作曲坐  
對南陽山水綠縱使長竿不得魚絕勝腥水污  
衣裾

擬古龜雖壽

遠宗學憲

龜雖壽出溟溟鴻鵠高飛一舉千里龜雖壽其  
行塞鴻鵠高飛千里一息南國有佳人修容美  
且都舉袂揚清風翛然坐水壺忽焉厭塵世彭  
咸與之俱喬松挺其姿崑崙像其儀日月昭其  
文大華豐其碑千古如一日彼壽將奚為

丁都護

丁都護歸何暮塞草茫茫南北路生來不識黃  
花戍丁都護兩人同去一人歸荒荒落日心驚

沙上言  
十一  
怖丁都護風塵莫振衣消息憑君訴丁都護丁  
都護難回互流水落花春不住冥鴻飛向天南  
去主家於邑盡消魂悲號手挽丁都護何日戰  
幾時亡沙骨可曾收我欲招魂向何處丁都護  
杳杳漢旌旗濛濛細烟霧瘴海遠如天星槎不  
可渡不如勇絕赴黃泉綢繆握手傾心素丁都  
護

田橫曲

秦失鹿兮天步艱人共逐兮世漫漫臨風慨慷

登巔岼薄九虬兮輕八銜嗟哉項籍撫長劍雖  
不逝兮江水寒英魂凜凜生波瀾我縱封侯非  
所安

踏歌詞

別樣纒頭鮮白繒大堤春水碧澄澄花酣秀野  
林陰合爭遣相如卧茂陵

美人遙在百花叢六幅湘江帶淺紅雲鬢恐驚  
金翡翠水亭莫採石芙蓉

沈山人續集卷之三

五言古詩

閒適三首

結廬湖上村中本有所激詎知山水情日久仍  
成癖五載不歸城冠履寡儔匹士農兩忘形相  
對數朝夕漁竿掛落日披卷倚高石田園摠未  
蕪三經亦頗飭此意良不勝篇章盈几席

塵鞅日已遠雙髮日已短琴書足消憂饑飭渾  
不管吏去租已輸食飲常衍衍敝衣荆布苴糗

精兒女滿栽灌有時息胡床正春暖歲功雖未  
量樂此意消散不知園綺心云胡亦自轉  
朝亦荷鋤出暮亦荷鋤歸疇知荷鋤者幽意獨  
徘徊農人哂力衰未鋤先自疲亟亟舍彼疆翻  
翻耘我畦村釀忽已熟湖鰕忽已肥耦坐談往  
古渠亦解是非世短安足嗟解顏對斜暉此意  
如早會白髮寡傷悲

吊宗憲副子相

青陽發潛穎逸翮凌紫霄簡珠麗明堂桂璋肅

清朝灑翰驚神仙九陔恣飄颻竒齡邁四海紫  
鮀羞羽毛結綬當要衢丹葩明庶寮清風洒琅  
玕白雲飛瓊埤所志在千仞翻然遠九苞八閩  
耀朱旂層空颯霜飈島夷逐東土紆籌戢弓刀  
文章煥斗宿海宇傾時髦紛紛桃李姿鬱鬱松  
栢標一時萃藻彥長風衝巨濤芳譽徧八垠興  
起寰中豪忽焉寒節升東壁昏重宵素魄奪靈  
輝青燈暗蘭膏吞舟不自運空江落寒潮昔爛  
日邊花今藉丘中茅竹素覓芳姿恍惚如神交

日月有餘光  
蘭芷無靈苗  
行人亦隕淚  
香魂安可招

贈盧卿首乾

少玄不侶世  
誤落風塵中  
觀書舍饑劬  
談道罄淵衷  
宛轉青陽徂  
徘徊圓景窮  
高張調愈急  
緩歌聲益雄  
沉冥緣物理  
居常觀化終  
春花謝早妍  
秋條敷暮榮  
明月出東井  
流光射丰容  
駟馬宣我襟  
高蓋颺我風  
萬木振宿雨  
千山明朝虹  
流運苟不返  
茫茫寰宇中  
方舟孰為禁  
窮髮俱

能通漱海採石華  
夾江弄芙蓉  
把酒歌舞零陸  
巔嘯新豐志  
意日已廣  
目睫日已空  
形骸寓八表  
蜉蝣依六龍  
洪崖拍我肩  
陵陽登我宮  
借問籠中鳥  
何如天外鴻

贈潘啓明

我昔誨君童  
君今翊我老  
理義本相維  
澤麗豈不好  
君為寒水玉  
我為蕪徑草  
濯之而愈瑩  
暴之而愈皜  
珪璋亮有觀  
荒穢期自掃  
願君振高翻  
玉臺麗華藻  
結膏蔭  
芳蕤流光照  
秋杪夾路

傾惠風窮崖明翠葆問耕豈虛親歡舊敦雅道  
新霖入竒懷沾濡足行潦東臯遠流眄卜揆歲  
當飽三徑且葱蒨餘絢落襟袍倚杖發高吟農  
人同皞皞無為忽茲辰茅茨遠紛擾安能接瑤  
華臨景恣傾倒

自述

依依楊柳花泛泛浮萍草蕩蕩三春暉融融  
岸沼軒車滿衢路不佩紉與素錦綺爛辟龍  
映越羅紗旭旭春陽暖華滋髮邊滿飛絮散  
河

流肌肌芳魂斷奄忽露華濃茅屋起秋風蟋蟀  
悲寒霄白雲鳴征鴻深谷不聞律鳳去椅梧空  
耻為婢笑哀不媚操琴容峻節美無度奮翮雲  
霞中洒翰溺張顛放歌泣表宏醉卧西窓月起  
步南山雪俯仰嘯青門涼風中夜發篇什漸成  
堆白髮有光輝龍鐘何足嘆尊酒對斜暉

卜葬仲子不遂

霏霧濕我衣零露沾我襟原隴何蕭蕭舉足多  
苦心俯視清源曲仰觀雙樹林卜築良不易紆

鬱難獨任念彼孤飛翼忽忽不可尋彷彿雲漢  
間啞啞遺之音悲風起宿莽朝日慘北岑還撫  
堂中樞深夜發哀吟徘徊重徘徊且令塵坌侵

擬古七哀詩悼馬暉使

繁霜翳坤維浮陽蕩窮谷俯臨極浦隈離離出  
叢竹飛鳥驚回颺舉翮何迫束荆榛滿中路羽  
翼委孤木歸魂不返林巢燕語空屋偃鼠臨巨  
津所飲不滿腹云胡恣結綬乃爾繫牽纏輕塵  
聚都門芳蕤耀雙日奄忽如朝霜賢哉季主卜

不聞雍門言牧豎歌躑躅田文氣如雲雙洗何  
澌澌

流日上叢臺瞻彼丹樹林北風厲微涼南枝何  
森森蓬迎豈整折好惡生荆榛驅馬舍康莊失  
路良可矜少年樂齟齬老大無知心暉匿不可  
說曷不為世欽驛驢忽崔隕林頭無黃金瑤琴  
偃明月楓林足秋音鸞凰鍛羽翰不如芳樹禽  
九原脫不寐悠然開重襟

寄宗竹岡



揚子久不作大玄日寥寥東方有佳人脩容寄  
雲霄濯足春流中飲酒秋山坳竒花間窓虛香  
蘭噓散袍挈壺命方舟歛然登林臯清醕感斟  
酌白雲從逍遙富貴逐寒暄貧賤結深交萬物  
憑化遷子年空勞勞

悼新河令願一仕

渺渺眺重岡悠悠數行月憶自洛中歸徽音久  
斷絕盡抑平生歡攢念沉痛結脆促悲往化空  
名併隕滅綢繆三十載寒風厲淒冽聚訟恒破  
顏終竟合軌轍駟蛩恣行遊曾不憂琬琰君行  
入雲霓而我竟差迭何當沛涓滴菰蒲潤枯竭  
金石忽委墮飛泉痛決裂虞淵慘栖薄太行怨  
摧折引睇勞痘瘡拊膺淚橫頰延州信未酬楚  
老意已協長嘆眷彌重悲涼自天末

種菊

在昔陶徵君幽懷頗相契開徑南山下種菊桑  
麻際南山寡軒車桑麻樂有餘墟里發華滋荷  
鋤迸煩紆翻然脫塵網不為疏屬拘所以人稱

之至今如其初我亦愛明潔俯仰耻干謁編籬  
通蓬茆孤竹挺高節下植淵明花澆灌不停歇  
芟繁去傍枝汲井就清冽蔽日感朝雲搖露痕  
新葉爪隙斷虫絲沿封剔蟻垤晨興忘盥櫛披  
衣步曲折三徑闕光榮徘徊恣懽悅少年懷百  
憂晚歲苦迷迭何幸雙鬢華兒女妙羅列市塵  
遠匡廬湖流抱巖穴百年非所希聊以終歲月

自訟

荆樹慘庭宇三歲氣不磨徘徊爪其膚隱隱明  
綠蘿草木尚有知如此垂遠何遑林起悲風平  
川流回波既有盈觴酒曷不為高歌且展合歡  
扇須臾生太和

其二

佳節不再逢逝波難蹙停所幸者三良雙鬢皆  
星星長當從此歡坐對兩忘形百年那可期奄  
忽亦青真擊節賞梁父臨流歌濯纓綢繆以偕  
老庶不辜綠醅

知命

鴻鵠奮脩翼不肯棲卑栖  
有時達人貴真性貴賤安能移  
不見孟獻子道德為等夷  
五子懷有家寧惟識者嗤  
所以嚴子陵加足不自疑  
藐哉天子尊詎知漁父卑  
窮達苟在我溝壑安所辭



沈山人續集七言古詩卷之四

題畫

月明千里故人来相逢一笑草堂開與君高歌  
劇飲一百日任教綠楊繫舸生莓苔君未讀武  
昌老人說笛歌氣力已微雙鬢皤夢中一曲吹  
落梅花雪黃鶴欲登秋色多洛陽園刻溪曲紫  
茸白石飛黃鸝管鮑不作金石空秋水一庭閑  
竹栢空山不見君思君看白雲白雲常停隴頭  
樹今日君来白雲去與君莫話行路難酸風冷

兩鬢毛班與君莫言離別遠鬼嘯猩啼雙淚滿  
羨君能輕千里途白藤不束十年書且須吸盡  
槽頭酒莫使踈鍾曉漏成踟躕月色照空庭涼  
風終夜發都將平生壯士心付與箜篌增激烈  
二十四絃生碧波明星耿耿垂薜蘿故人莫向  
武陵去笑其桃花柰爾何

壽俞光祿八袞

與翁相逢拂翁杖我方強仕心猶壯重陽重見  
菊花妍短筇揖翁翁耄年春風憶昔坐翁席藥

欄照卮紅的的銅盤子夜燦蘭膏綠醕青蘇共  
生色塵翁榻暈翁醴薛羅明兔光芙蓉媚秋水  
白雲滿地起相思萬樹垂楊三百里翁家世代  
綰銀黃粉沿青簡蠹痕香我翁不作彈冠態佩  
帶一笑領年光蕭蕭鶴髮麋鹿姿文窓繡戶玉  
鸞鷁我來重啓黃金甕還續梅花第一詩

寄孔平徐一丈

水滿平堤穀滿田荷花開到小亭邊去歲戰羅  
夜不歇今年薙鼓聲駢闐亂離偏懼清江叟桂

玉唯關白髮年憶昔與君曾共榻黃獨葉肥花  
亂發風生高閣月褰帷波濤背指粉城隈披襟  
劇飲夜光紫紅簾半捲明星垂共言歲月能長  
久不悟與君同白首白首猶宜插菊花請看的  
的春楊柳五株楊柳傍湖栽湖上茅堂迥絕埃  
待到明年花事好請君來看野棠開

河畔水懷許上舍性之

河畔水漂流萍西復東若為情回眸轉盼少微  
星許詢瞥向長安去馬首遙遙南北路月光飛

上紅亭樹

河畔水浣茅堂淒復清簾紋涼夜深月在子雲  
牀許詢不住山中屋千里加飡勸童僕荷底飯  
香菰米熟

懷王一子寅佻句體

青草湖頭明落暉薊門遙望烟雲飛天畔王孫  
歸不歸三百青蚨一斗粟長安俠兒厭梁肉嶺  
西夜夜秋猿哭故人胡不歸來兮黃茅白水亦  
堪栖我欲裁書君正迷憶昔與君邁竒齡我行

黍竊君亭亭蕙葭常倚玉壺冰而今流景不肯  
待鬢毛衰落朱顏改故園唯有黃花在滄溪東  
去水聲深年光流盡夜沉沉故人不見愁人心  
去歲不登今已熟箒中喜豐十斛麥儘堪八口  
供饘粥君若歸來共掩關願將數畝買君閑尊  
酒新豐亦覩顏

寄月樵胡二廣文

去年五月麥風清戒車整旆送君行今年三觀  
月露滿思君念君青鬢短芳時愛客花滿堂素

娥織手鬱金香嬌歌再轉徘徊醉秋月玲瓏射  
粉黃君去青山在青山青未改花落又花開春  
風不相待窸窸子雲居黃昏鳥雀踈斗轉籐蘿  
清夢穩十年長缺不歌魚海上白鷗依短棹南  
風一曲相思調他日琵琶正待君秦松漢柏從  
渠老

喪家犬

東家犬西家犬落日荒荒人去遠空堦如訴夜  
啼號我卧蒼山月正高主人浮海無消息遠屋

經旬不得食可憐毛骨聚荒厓狂童臨爨生  
色嗟哉人犬兩堪傷茅舍西風生暮涼昨日津  
頭重送客已封民瘼寄岩廊

### 長歌行

君不見漢之左內史襟懷落落功名疎課殿祗  
能妨寵位窮秋不忍頻催租又不見南陽太守  
劉文饒飄飄意氣凌紫霄蒲鞭一下吏人悅訟  
堂常許燕來巢當時天子重民瘼刑罰能輕稅  
能薄百辟分頭沛主恩村村烟火甘藜藿而今

四海多征塵不見嬉嬉含哺人我聞重關坐泌  
水繁霜滿地對花顰秋風動萬里秋月當天起  
可憐窮海負租人身安不畏他鄉死雲晶晶雨  
真真漠漠風烟混太清有能平賦平刑者願祝  
吾皇錫百朋

### 貧家女兒曲

貧家女兒惜花朶三枝兩枝鬢邊蟬蛾眉鴉髻  
淨娟娟錦棚自繡鴛鴦坐十二樓中明月光吳  
絲蜀桐清夜長織羅霧縠鳳凰舞夜翠秋金滿



詞話卷四  
回粧粧成多自媚手撚芙蓉碎那知樓外有  
家窸窸空房時掩淚時掩淚常珊珊自拂青衫  
布上斑可憐窗外玲瓏月正照庭中杼軸閑

孫家婦

翁家女兒孫家婦翠眉蟬髮其荆布徘徊燕婉  
入君門持箕弄箒供朝暮夫婿元非蕩子流肯  
乘寶馬東西遊紅顏皓齒正年少交歡並影來  
中洲一朝雪霰摧芳芷抱病夫君何日愈盈  
淚點濕裙裾綢繆直欲夫前死秋風乍吹慙

帟窸窸空庭花亂飛忍將羅帕傾鉛粉夫婿猶  
能問敝衣夢裡雙雙頽步行綢常為重死為輕  
從他鳴鳳翔鸞侶一任朝雲暮雨情

趙早妾

誰家有女氣赫烈不堪為婢復為妾綢常元不  
擇人擔表表丈夫易蹉跌德門兩見趙家姬羅  
巾一片懸孤節妾夫本是蕩子流蠻素為君妾  
不羞忽逢恩愛鏡鴛破楊柳櫻桃無限愁愁心  
知幾許倚帟時對語那知絡秀心一繫千鈞縷

相看默默弄琵琶先倩春風掃落花香散亂紅  
留不住忍隨流水泛天涯青絲牢縮同心髻向  
隅勇絕哀聲細可憐半夜月空明露巾剩有傷  
心淚君不見河陽金谷石家樓明珠十斛買風  
流落霞半壁粉花碎千古無人吊栢舟

六月晦日喜雨戲柬李石鹿

微風動萬里密雲來西郊膏澤奄忽施聊沃大  
釜焦知君獨坐仲宣樓應為柴門破扉寒曾無  
好事動君歡綈袍唯念故人寒我欲老龍吸盡

東海水散為飛雨成波瀾乘槎直上青雲端  
令得為玉皇案下史坐令雨暘時若常使天下  
居民安

壽劉峯石會丈

松枝分五粒一雨成天漿光泛鸚鵡杯丹暈矣  
蓉牀疑是碧波漲東海飛洒茅堂增壽觴茅堂  
歲歲增光彩半天唯有朱霞在夫子高風我出  
塵囊中百斛梅花春飲君酒作君賓滌筆題詩  
狂殺人何時與君回到武陵源喚出秦人莫避

秦

玉斗歌

玉斗秦王府中居秦王愛比明月珠假令貴德  
不貴玉未必紛紛逐秦鹿鴻門宴會去如林鳴  
鍾伐鼓戟森森項伯能為翼蔽舞龍淵寶玦消  
為塵屈卮歌倒日西墜堂下驚轟堂上醉當筵  
定約割鴻溝遂令玉斗須臾碎斗碎耐教天下  
安楚王暴比秦王最却笑關中狡滑徒即輸秦  
寶贏秦地白璧雙雙從斗行璧存斗滅而無情  
此斗能成范增死彼玉不延項籍生嗟哉寶玉  
竟何益強秦伯楚一特傾

趙比部席上賦

前年楚水送君行短劔長歌喚恨生野蛾撲撲  
弄春晴今夜秦淮把君酒一庭涼月鷓鴣鳴  
故國兵戈花事非海棠無伴減容輝湖東草堂  
人跡稀尊前練色堪娛目今夜深源酒力微

送道者入山

華陽洞口女蘿衣此去華陽歸不歸海客無

乘釣艇三山常睹白雲飛白雲欲伴浮生住  
金管仙人攀玉樹玉樹枝枝掛白雲仙人望我意  
殷勤待得春風捲盡衣上土青天碧海長隨君

### 苦風行

六月終旬風怒號橫波捲雨翻衡茅武安祠前  
樹摧折開府園中花亂飄官塘之西禾已沒村  
村盡向東南發春時鋤草亦備人今日為人鋤  
不歇東南之士灑汗鹵七歎二豎終歲苦海隄  
如漲摠途泥歌為人備何處所風兮風兮莫太

魚煩君吹到御堦前化作陽和敷萬里蒼生重  
見太平年

### 送金画史壽親南歸

故國春風花滿堂美人歸去日初長翠娥金管  
薄羅裳嚴君先生誦綺季不若一翁錢少陽  
最愛君家水墨圖莊椿十丈影扶蘇白雲常結  
小成都老翁橫眠對尊酒呼兒騎鹿飯青蘊

### 寄徐仲業

廣平去後梅花冷倏忽相思三歲整携琴載酒



國家圖書館. NATIONAL CENTRAL LIBRARY. TAIWAN. R.O.C.



沈山人續集卷之五

五言律詩

喜盧首乾潘啓明二文學草堂過訪

年光湖上暮誰與慰幽偏  
堂靜堪留客波平好放舡  
入村欣二妙携具感重憐  
所幸鱸魚美囊中得酒錢

此夕是何夕草堂明客星  
呼盧童子笑歌郢老妻聽  
冉冉懸紅炬娟娟瀉綠醽  
藩籬都不限兒輩共忘形



信宿餘歌笑瓶中酒易賒喜逢村徑菊猶有兩  
三花素壁摘瑤草青天落彩霞岷峨真不忝茅  
屋有光華

白日羲皇並晴簷鳥雀親何妨暫來往寧不惜  
沉淪洗酌兒非懶烹葵意頗真衰顏如不棄一  
月惱比憐

盧綸雄八斗潘岳富三車袖有金光草顏如夢  
綠華倚席交加醉題詩翰墨斜而書俱閱遍興  
盡一乘槎

湖上雙龍遠沙邊一鶴孤書函齊亂帙酒債  
新沽草閣詩成澁江村日欲晡應知鳴鳳侶萬  
一念潛夫

小閣徘徊坐寒燈不肯明喧呼懷昨夜放浪愧  
平生老去嗟朋輩年來遠市城含悽一假寐虛  
院落風聲

### 蓉翁兄灸艾

衰病唯醫藥行歲只弟兄近來多白髮意欲餌  
黃精囊貯三年艾舟移十里程願言同杖屨樽

酒見昇平

謝宗弟潤甫為蓉兄炙艾

溽暑煩吾弟針砭念老兄翩翩鴻鴈侶急急鶴  
鴝情門戶關君重聲華自我輕江湖隨釣艇無  
暇問長生

宿牛首寺

珠林逢日暮法界入雲深暮捲曠隴月烟迴縹  
緲禽洞幽僊梵靜星沒島鍾沉偃卧歸蓬華香  
牀何處尋

遊祖堂

祖堂行亦險蓋界到應難不負十年夢幾虛三  
尺竿纖雲低拂水琪樹巧當關數紙書金簡山  
僧共破顏

登獻花巖

花獻黃金界樓懸紫翠峰鍾聲環碧落錫影亂  
丰茸藥採南星草僧逢北斗客欲歸還眷眷避  
世問蒼筠

宗比部招飲徐氏園亭



公子園林好高臺出鳳凰向人花鳥靜近藥水  
亭香傲吏然吳曲山翁狎楚狂一尊逢故舊餘  
興引杯長

雨花臺

匝道陳其腕分林礙綺羅吳姬能縱酒越女亦  
高歌紫燕喧行市丹輪藉淺莎青春如喚客聊  
此駐中阿

宴韓正郎官舍

揮觴韓僕射彈瑟必沈雲卿慈海耳新味山堂憶

故情多才憐楚澤細雨問商耕為語平生事黃  
金一笑輕

夏日漫言

清夏坐孤徑短堦紫蘿探巢林鳥集振錫院  
僧過迢照光詞屋飄風入棹歌文園思酌海如  
此白鬚何

鬚白不堪染病多仍苦吟鵲聲如報客稚子欲  
敲針襟袍園泉洽年華海國深孤舟斜日外一  
系子山心

池荷

水檻徘徊坐池荷  
面面開日將朝  
影亂風送便  
香來未買紅粧  
咲先經白髮  
催興來仍對酒  
榮落未須哀

村暮

淅淅湖水滿  
晚來秋氣清  
風搖空翠冷  
雨洗夕陽明  
歲月杯中剩  
詩歌象外成  
青天一片闊  
何處塞鴻鳴

苦雨

積浦雲濛密  
環村雨沸騰  
影昏朝捲幔  
聲急夜懸燈  
愁引催逋夢  
貧懷耐久朋  
野鷗還泛泛  
餘興不堪乘

十日山房坐  
雨濃人過稀  
沙顏鳥迹沒  
風急棟花飛  
倚杖望朝霽  
穿林生夕暉  
西宮多妙躅  
切莫點朝衣

贈江右凌公十西賓

有美西江客  
蕭然抱短琴  
依沙聊結屋  
對酒細論心  
袖有題橋筆  
囊無賣賦金  
草深聽絡繹  
漸

浙作秋吟

日暮孤亭迥，羈懷此夕多。  
三江天外遠，九日客中過。  
氣色青雲鬢，文章白玉珂。  
曉窗明月在，莫問夜如何。

荅黃學究

湖上日初暮，苑邊荷正紅。  
詩篇從長者，舟楫趁歸風。  
作賦憐潘岳，投書愧馬融。  
天池靜秋碧，雲雨老蛟龍。

細細參軍律，飄飄刺史才。  
胡琴元未買，荆玉底數為君開。

遣興

世事拋全慣，饕餮不嫌。  
江花從漫興，茅屋任居年。  
紫羅含風細，青山隔水偏。  
此生多妙賞，真不媿顛連。

寄許上舍性之

秋風天上客，萬里摘蟾蜍。  
玉露沾衣短，清光上鬢踈。  
遙遙司馬賦，寂寂子雲居。  
故國風塵淨，逢

人好寄書

憶西隣

斜陽照孤屋搔首憶西隣不厭明農話常懷並  
舸親石濠仍吠犬禪海正宜人隻櫓依沙近他  
鄉避世民  
携家移敝舫僦地入深林已盡流亡淚猶懸恐  
惧心斷雲垂別穗旅佳落孤音去去武陵路茫  
茫何處尋

菊譜成有作

菊自何年種垂髫藝苑中狎余常作客對爾漸  
成翁最愛歸來好還憐出處同霜華利如剪忻  
慣九秋風

園林真不俗藉爾慰荒蕪灌水從童僕莖繁是  
老天過逢不覺倦應接已全踈秋色那能駐傳  
芳入畫圖

點染東籬意殊非楚澤材祗緣三徑裡不肯四  
時開披卷常拈酒看題不買栽乾坤浮日夜任  
爾雪霜摧

送王化遠會試

霜落江雲碧，星明驛漏寒。  
風塵催短劔，花鳥入長安。  
獻賦依雙鳳，看題駐八鸞。  
封書報朋舊，莫忘寄衰殘。

漢月依人遠，秦川遠路斜。  
望通天府國，春入上林花。  
王勃才名舊，班超歲月賒。  
無勞念蓬轉，它日有光華。

君到金華省，應逢玉節郎。  
為言垂白者，作賦已盈箱。  
谷口舊籬舍，箒中新稻梁。  
還看讀書處，東

壁有餘光

送袁二子雲會試

袁泝江東彥，蘭臺有令名。  
獨傳鸚鵡賦，重上鳳凰城。  
北斗頻彈劔，南冠此獵纓。  
曉馳衝疊嶂，飛霰點金鉦。

御道瞻天表，明河接帝闈。  
風鳴霄漢翼，日射綺羅塵。  
染翰彤廷曉，看花紫邏新。  
夔龍應有賦，共沐鳳池春。

昔年同意氣，穎石憶春繁。  
君有風雲志，余多山

水情簪中無白髮天下有蒼生後日思玄度烟  
波一釣輕

冬夜聚飲王化遠宅用前韻賦得二首

群公舒嘯外星斗一庭寒柱石虛司馬蒼生起  
謝安天池需躍鯉雲際早翔鸞他日懷今夕黃  
花慰嬾殘

短劔開新匣深杯破夜寒爐邊吟謝眺洛下卧  
袁安命賦頻催蟻分箋漫拂鸞群才驚八斗獨  
愧燭花殘

哭姪

長日悲吾姪無時淚去流從伊追不遂劇想見  
何由並坐傷前事相着抱隱憂詎知銷骨毀山  
嶽與沉浮

孤嫠猶未定二女不同歸恨擬終身慣行看萬  
事非所親連夜哭吾淚徹明揮小苑徘徊坐風  
花次第飛

哭姪孫

待爾傳衣鉢猶憐汝不聰如何蓓蕾質也趁落

花風視汝孫無異親子祖亦同一棺仍並殯  
殺白頭翁

病刻猶號父身危尚克家無時去藥物長日自  
衣庶為別巾沾血傷心鏡掩花可堪垂白者返  
為沙異嗟

村居

別園臨幽壑乘春玩物華一川如意水滿眼稱  
心花野蕪蕪出湖魚帶酒除長筇還短棹城  
市忘為家

滄洲常繫舸非與世相違到處空殫缺經年自  
掩扉惠風吹鹿野晴日在漁磯近覺交情懶不  
妨人跡稀

懷兄

吾兄逢世難憔悴命如絲有子官為累看孫路  
已迷親朋一洒淚兒女各成悲易得沾巾血難  
為入夢思

顛沛已若此其如運落何閭閻怕疾病天地有  
干戈生理蕭蕭薄年華冉冉多祗應排悶起臨

水看餘波

菊徑客閑步茅堂愜賞心  
兄來依泌水弟與濯  
塵襟似紙人情薄如淵  
世難深天涯渺何處我  
欲覓知音

東潘啓明

晏徑牽黃獨長渠覆綠荷  
暑消風拂木院靜月  
垂蘿薜芷懷人遠  
尊鱸入饌多無能空  
白首寄興五絃歌

芳杜微風入紅蓮曲沼通  
嶺雲投落日潭樹黃  
長虹粉堞青霄外  
秋光紫羅中封書寄  
朋舊杯酒野人同

青雲遊子意明月故人心  
宅近蒼梧野牀閑綠  
綺琴一囊綠病減三徑  
為花深待汝秋江上來  
為梁父吟

湖上

湖上栖茆屋悠然愜賞心  
荷翻翠羽蓋蟬韻紫  
瓊琴舜谷垂花蒲尚雲  
接地陰相看俱不厭  
明月落青襟



兄至

開懷坐當午兄蕩小舟來旋汲浮瓜水重調却  
暑梅卧榻書千卷看花菊滿臺埵篋亦何幸相  
對白頭杯  
綠水清籬舍紅蓮漾薜蘿湖天舒咲傲魚鳥亦  
經過不厭青袍舊能忘白髮多岷峨餘興在衰  
病欲如何

秋風

秋風吹林空枕簟生新涼山引敬亭雲雲若加靈

沼香梧葉紛紛急颺聲汎汎長裁書欲寄遠先  
為達潯陽

懷俞仲貞

鄉路通淮楚斜陽在薊門雲連千嶂樹月繞數  
家村星斗裝金劔螢花媚綠尊幾時重一傾湖  
上草堂存

愛汝非凡品憐余一病夫隋堤連小苑蜀雪取  
長途白髮江湖迥蒼梧鸞鶴孤那能三百里縮  
地其招

懷宗太子

為道三千言，魚書億萬金。用心漁者意，垂老故  
人心。青海斗約近，白雲桑梓深。有時過泌水，為  
爾一抽簪。

廣樂張金谷，高臺出紫鸞。酒地時拂進，  
賢冠寂寞蒼苔色。吁嗟綠綺彈，恐孤山水約長  
日弄漁竿。

寄宗子培

浪跡怡魚鳥，停歌誤薜蘿。北山何日採，南國幾  
時過。燕翼浮烟歛，楊花落照多。佩蘭人不見，愁  
絕綠漁蓑。

嗚鳳丹穴，羽歌魚昔者心。青霄誰獨步，白髮抱  
深林。池上珊瑚草花邊，翡翠禽。瑤天明月好，元  
不隔江潯。

與劉國珍諸友宴李氏園亭

孤亭排竹起，飛閣對花開。木綠皆鸞沼，風生鸞  
鷺臺。蘭氣薰衣袂，山光覆酒杯。吳歌所妙，惟  
畏角聲催。

楊柳邊城館芙蓉帶雨堂  
瑤天漫鳥下  
松長華髮清輝客金貂白面即揮戈能駐酒杯  
竿有餘光

新秋飲李鴻臚宅歸東劉國珍

昨日携尊酒紅亭就午薰  
笙歌不厭客杯冷  
浮君空翠  
抱坐紛紜

交誼憑君重人情自我踈  
青霄千嶂月白日一  
牀書寂寞正陵劍滿條  
阮籍車鹿門真忝竊應  
不負蘧廬

喜俞仲貞選歸

郊居坐寥廓湖上一書來  
為報白雲子已歸明  
月臺裏巾綠病減策杖為  
花開未啓逢君宴先  
浮行慶杯

幾時還跨鶴何處欲棲  
鷺未契金蘭少清霄草  
閣寒江雲千里夢渭水  
十年干漫擬相逢好猶  
縣離別難

解應儒母夫人壽

丹墀行人府清風孟母門樓迎東海日山拱北  
堂樽宮錦酬衣線庭歌未教言一色虛左席時  
倚綠槐軒

淑氣開帷幄晴暉蕩綺羅青春嘉會好華髮故  
人多孝養黃金等文章白玉珂馳封天上近庖  
酒注恩波

袁刺史應擢東歸

流光一何迅別尔八年過忽漫清宵會憐下雙  
蟠詰別驚戎馬看漢問薛羅何林劫罷宴歌

者謂如何

論文當日事講武是何年首宿秋看馬星霜夜  
控弦捷飛千嶂靖轂轉萬夫憐同學如君小花  
枝笑白巔

幸洽山房坐笙歌慰窳寥好風輕拂燭細語漫  
通宵星斗檣竿去風雲劔氣遙不知滄海上金  
甲可曾銷

寄許性之廣文

無限林塘與幽人不可招月明淮甸柳風度淝

江潮白鴈書難寄蒼梧葉未凋  
懷人應有賦  
純  
扇坐清宵

絳帳圖書府名邦  
館閣都雲間非倚馬  
海上負  
遺珠漢室虛前席  
高陽卧酒徒  
幾時陳桂醕與  
爾說真吾

秋雨妬菊感然興思

一雨荒三徑  
兩年能幾花  
高枝柔畏日  
細雨亂  
浸沙老去偏  
憐汝湖南已  
作家收綸無  
一事玩  
對日初斜

雲封日暈  
焚土乞秋光  
不願豐囊錯  
信宜  
蕭索白髮從  
梁短清標訝  
爾長草堂終  
有賦  
意不曾忘

懷人

秋夜懷人遠  
亭深見雁踈  
銅章宗刺史  
玉簡季  
尚書濯錦清  
江澣懸魚帝  
者居遙天  
明月在應  
亦念吾廬

泛舟

一片南湖闊  
孤舟坐八旻  
雨晴花點點  
風細水

鱗鱗鼓櫂驚林鳥看蓮失釣綸鳴夷渺何處  
想結芳隣

送盧首乾設帳海上

行色江亭暮離情客路遙挾書東到海把劍上  
凌霄獨夜青藜火新霜白板橋深秋莫惆悵裁  
賦慰漁樵

海上携書去湖天雁到初蹉跎司馬髮堪  
雲居短缺盪龍氣中  
片洛陽書

觀樵

谷口煙霞古雲連漢時平夷歌泉石冷野燒鶴  
鷄鳴寒吹因風奏斜陽自水生共嗟霜徑遠翻  
愛釣絲輕

俱懸玉質斧不束買臣書雲黑雨來急霜寒雁  
到初上庖真負汝中饋亦愁余且脫登山屐虛  
觴就草廬

種菊

曉霧鬱籠葱看花小苑中枝枝清受月葉葉冷

侵風散步蟻封毀微吟鳥夢通兒童莫頻喚幽  
興覺還濃

共有編籬興誰如惜菊情驚風頻起坐听雨到  
無聲抱甕催僮僕題詩寄友生殷勤時曳履如  
在画中行

### 病犬

藉爾常司戶短牆無寇來身老十年力病嗟旬  
日來晚盍虛糲食殘草卧荒苔留得敝帷在莫  
泔直僕猜

### 雨餘惜菊

雷聲喧歷亂園菊雨中款捲土含風冷新陰入  
照移爪膚還熨葉頽影復看枝低亞如耽酒幽  
懷欲訴誰

### 淫雨望李使君北山

一雨昏清晝波濤落遠聲鳥翻衝樹入蛙急戴  
泉鳴甫有流亡屋奚堪粟米征寇君如可惜豈  
獨慰蒼生

山翁天下士故國老臣心久矣川難濟年來水

益深迢迢雲外節忽忽海邊音暫止從仍去須  
史沐傳霖

兩餘寄城中諸友

貧家湖上遠看菊憶深杯踞坐野雲合劇歌田  
鼓催阡阡春穀滿處處芷花開一月風光異柴  
門護綠苔

一蘿猶在樹三徑已沉沙忽漫盈川水能舒滿  
眼花披靛成悵惘撫景惜年華豹虎須史事城  
隅未卜家

積雨

雨師怒何極屋角盡飛茅紫電耀龍窟黑風吹  
鷓巢花枝全亞地簷溜漫通郊僕僕悲田父何  
因遂酌匏

何處傾三峽猶疑瀉八溟驚濤天外落戰鼓地  
中鳴夜起呼燈坐朝來傍險行捕漚喧稚子白  
髮轉關情

瀧澗浹朝昏經句未啓門草生瓜硤步萍約女  
蘿根田鼓村村歇江籬岸岸繁不知禾黍地茅



沙山ノ言  
屋幾家存



國家圖書館. NATIONAL CENTRAL LIBRARY. TAIWAN. R.O.C.

沈山人續集卷之六

七言律

白下留別宗子培

路轉春江草色殷，別離無奈鳥關關。  
秣陵十日烟花笑，澤國經年畫舫閑。  
水落釣臺飛紫雉，月臨仙觀見青山。  
秋雲冉冉丹霄近，手把蟾蜍拍馬還。

宿真州

城子山邊立馬臺，天涯北望意徘徊。  
誰云一第

星河近坐聽三年鼓角哀傳柝津梁喧夜語關  
心樓櫓廢春杯龍門鳥道遙遙盡月色江聲故  
故來

夜過揚州懷俞氏弟兄不能奉訪緣舍弟

湖東卧病也

津亭催吏夜關啓打鼓盡隨官舫行北風喧喧  
萬浪起孤村遙遙双泪傾故人不來燭花暗山  
窓半掩春愁生寸腸那堪仍百結一夜相思鷄  
亂鳴

悶

郊堂日落坐飛花浦叙風來燕子斜賈誼有書  
收痛哭莊周無緒了南華夜深鳴雨垂垂過春  
盡行雲冉冉遮白髮自傷零落久一湖鷗鷺伴  
浮艤

憶宗子相

粉署曾爲仙吏客綠尊微雨聽長吟誰憐草閣  
知音在愛坐蟾光到夜深二月都門重秣馬一  
春亭館自鳴琴南來燕雁參差下惆悵都傳與

客心

萬里中原南北路兩年閩越鼓鼙聲安危摠荷  
汾陽畧詞賦兼傳太白名香動五雲懸玉珮月  
寒千嶂落金英南方擬作招魂賦芳草離披喚  
恨生

蟋蟀秋吟情自牽瑤函金櫃來遠天蘭膏照夜  
細洒淚玉琴流水虛張絃開卷深慚白雪賦閉  
門常誦黃塵篇冥冥江漢歲暮暮有時訪爾君  
山巔

寄徐少府

湖上風林悲遠天水光山色淨娟娟黃茅雨歇  
坐今夕玉笛聲踈懷往年細草孤城開府淚空  
江獨夜子猷舫裁書為報京華使夜夜河聲草  
閣前

江籬黯黯雲蒼蒼思君望君空斷腸七年不共  
燈火笑九秋誰問芙蓉裳綠髮向隅泣娶婦黃  
葉滿庭鋪夕陽稜稜病骨不堪把常買參苓充  
藥囊

寄李尚寶

憶昔分香接令公  
蕪葭初倚玉芙蓉  
青山不啓藏書甕  
白首今登落雁峰  
曙色曉瞻鳩鵲觀  
月明低度射干叢  
何年再奉華池會  
問訊重栽石上松

不賦長楊已十年  
飄零贏得萬夫憐  
江花細細孤舟在  
鳳彩霏霏曉夢牽  
畫閣昔曾收李勣  
銀河今已誤張騫  
烟波萬里如相憶  
重寄湖南草樹篇

湖上喜維揚俞仲式仲貞二伯仲并令姪希曾挈舟見訪

空村寂寂客來稀  
門掩苔花一徑微  
黃犬吠人方倚杖  
綠楊舫舫欹斜暉  
金英對酒堪饒笑  
玉露鋪庭莫問衣  
此會絕奇真不忝  
盤飧賸有北山薇

寄胡僉憲

馬蹄芳山憶京華  
曾過龍圖學士家  
但覺春風生俎豆  
不知明月到窓紗  
東歸多病惟囊藥  
南

去無人問劍花安得輕橈隨彩鷁白湖秋水泛  
流霞

朱藩計日下荆吳明月揚州有夢無錦字風塵  
傳草閣美人顏色在冰壺消埃報主雙蓬髮風  
雨懷人一敵廬尊酒相逢正無那楚天涼冷雁  
聲孤

苦雨寄解行人應儒

溪雲捲雨入荒村水荇牽波到鹿門莽莽夕陽  
三徑在淒淒茆屋數家存清秋不負黃金等白

江嚴系  
吳空辜翠竹園若見河陽花下史為言是勸亦

寄袁二進士

南浦一片漫菰蒲湖上斜陽照病夫數畝鳧鷖  
新占水蒲村風雨夜催租徐吾近喜分東壁袁  
行看賦上都獨有衰顏依釣艇楚江風急雁  
聲孤

寄進士王三丈

湖南草堂翻薜蘿一春白髮怯干戈茫茫世路

惟釣艇忽忽光陰仍織梭君今已賦長楊就我  
則其如短鋏何借問吹篴吳市者五湖獨不愛  
漁蓑

寄令尹鄒若虛

閑看流水對斜暉松菊頻年愛爾歸多買水田  
供酒慢每綠花事惜春衣海邊擬罷青苗賦湖  
上應存白板扉高館張筵容短髮儘拚詞賦領  
光輝

寄石鹿官拜秩宗

遙瞻北斗煥神京又喜春官授古鄉典禮彤廷  
垂玉立退朝青瑣踏花行西宮奏對先搗草東  
觀脩書舊有聲幸際聖皇牽綬冕倘因吁咈問  
蒼生

飄飄翠日薰仙佩入鷓鴣帝城春色應多借草  
徑霜痕不耐看歲歲風塵淹白髮幾時歌舞向  
長安

寄舍弟潤甫

言  
一  
六  
薊門楊柳向東垂，落日裁書欲寄誰。醉後看雲  
鄉國夢，朝回聽雨鵲。詩黃金市上，花開滿紫  
邏籬邊。鴈到遲極地，漁樵生計足。逢人莫問洛  
中餓。

黃金疑見重，登其室。珠履連歡稱，舉杯鴻鵠天。風  
吹汝翼，池塘春草動。吾哀上臣書，札翩翩下故  
國。征徃日日催，忽憶浣花溪。裡笑不妨杜甫日  
崔嵬。

高子明過訪

君來看菊紫薇園，一徑苔苔過雨痕。白舫自依  
芳草渡，青旂不掛石濠村。且將棋局淹司馬，莫  
散盤飧出庶門。詞賦從來多誤汝，百年贏得一  
開尊。

懷盧首乾文學

一蒿迢迢憶送君，兩年蕭瑟阻論文。看花對水  
成孤坐，把酒臨崖是獨醺。江上小堂春又老，洛  
中鄉社席誰分。蟾蜍一摘秋風起，詞賦千章訪  
白雲。



同陵公十柳下觀蓮

楊柳風來颭綠荷  
榜人遙唱木蘭歌  
紅香灼灼沾衣滿  
翠蓋娟娟挹露多  
吳楚交遊三載重  
江湖踪跡此生過  
茂陵未老相如渴  
肯負烟霞白露葉

村疇漫成柬陸約之

侵曉堯天萬里清  
高齋獨對槿花明  
秀峰點點雲間合  
白鳥時時水面輕  
漢室新書懷陸賈  
滄江佳句愧宣城  
寄身且喜風塵遠  
一片南湖草

樹晴

青雲朝落菊花叢  
白舫霽停蕙曉東  
何顯今年閑稅吏  
子山雙鬢動秋風  
茅堂枕石看朱斗  
竹几封塵廢碧筒  
首宿葡萄客易老  
幾時花月一尊同

寄徐養浩

經年垂釣紫蘿陰  
司馬元無賣賦心  
折柳有時聽白苧  
飛花隨意灑青襟  
千門落日孤舟在  
十里浮烟獨樹深  
寄語崑崙徐孺子  
莫因蕭瑟買

胡琴

小園對菊忽徐大醫至賦此併謝

憶昨西園曾種汝短筇斜徑亦沾衣高秋搃漫  
陶潛興此日猶開處士扉白首崔頹人事寡遠  
村風雨客情稀馮君指點東籬意童子重來報  
落暉

水亭受暑昏欲睡况乃小舟擎日來少婦僕僕  
懸藥餌大賢遥遥從草萊家通奕世追往眷人  
對白頭興好懷把酒莫放百杯歇頃刻月明隨

回

與陳其善泛舟過東湖別業

湖上遠天流楚雲湖中鷗鷺白紛七隻龍忽送  
千門雨一水翻迴萬頃文爾客長安今幾度予  
於風月已平分從君莫問崑崙路三尺峯頭掛  
夕曛

槿林落日鷺湖東懷抱逢君小院中楚客看花  
新涕泪吳歌廢酒舊郢筒滄波日駐頹頹在銀  
漢虛勞逸夢通優恤幾時傳

聖詔可能談笑慰飄蓬

獨坐

風生五柳髮如絲  
獨坐高齋動所思  
雲合翠微通蔣徑  
雨牽蘿薜上堯茨  
問津虛渡銀河口  
訪藥猶懸弱水湄  
四海風塵驚歲晚  
吳鉤常在使人悲

胡廣文秦安將歸

知君遙別汶陽城  
魯國諸生遠送行  
石壁桃花空照日  
水簾明月正關情  
尊鱸遲爾滄江暮  
風

雨催歸白芷生  
後夜悲歌聽擊楫  
一尊慷慨淚沾纓

夏日赴曹一丈子齋飲

六月廣文開草堂  
刺桐花發短泥墻  
窗穿簾紫燕元相逐  
入饌清蘇亦自香  
萬樹錦雲通帝里  
一燈殘雨共山房  
白頭對酒交情在  
十日沾衣得不妨

憶宗學憲子相

空齋寂歷靜花開  
錦字琅函憶楚材  
南國白雲

虛度鳥北山芳草廢登臺尚留詞賦傳金馬豈  
有音書問草萊一夜斷腸明月在况瞻箕斗近  
三台

憶碩令尹行可

稼穡日來懸我廬無人馳刺問閑居薜蘿衣敝  
不堪紉鸚鵡賦多空復書湖崙六月槿花落驛  
路五年瑤草虛念君望君不可作且令兒子結  
陳朱

答王南宮

珍重琅函對水開春風十月動蒼高萊雲連漢水  
迷孤嶂月擁郎星近上台清賞一時推濬仲激  
揚多處有澹臺知君不忘寒燈宴滿壁題詩待  
奉杯

答袁濱州

碧湖殘雨漾寒流持刺何人問敝裘五馬不淹  
關府信二難能泛剡溪舟花潭細扎行金玉苑  
屋新詩見馬劉昨夜思君銀燭短曉山將月到  
濱州

袁氏二秀才見訪不遇

經年無客欵柴門  
秋盡猶憐紫菊存  
景倩不曾頻問主  
東陽惟許自開尊  
匡廬已荷題凡鳥  
鶴髮何緣起晏溫  
賴有兒曹自城市  
燃燈一夜莫香蓀

寄許令尹

廣平寒雪報梅花  
疎影橫窓月正斜  
鄉夢東歸懸結社  
故人西向憶通家  
五雲不掛河陽柳  
瘦  
徒能繁鄭圃瓜  
同住水門堪泛艇  
海田三月

鳴呼

賞菊

秋圃忽於佳節近  
黃花不待白衣開  
長憐蔣詒今安在  
愛讀陶潛歸去來  
紫翠參差迎落照  
羊神旖旎歆啣杯  
交情老去惟君重  
坐向山窓潑綠醅

竹裡茆堂半掩扉  
黃花能待主人歸  
清秋不負雙蓬鬢  
垂老何孤一釣磯  
籬角插旄長護鳥  
瓶中  
中得水漫沾衣  
文園病卧猶憐汝  
相對分明怨

恨稀

東陸鳳山

大雅爭傳自法門，高齋長憶借春溫。  
紫雲乍起衡山昇，彩翰驚飛李賀軒。  
細草窓虛臨泌水，扁舟鷗鳥負沙暄。  
相逢歎問南華秘，共採葡萄泛碧尊。

東陸潛虛

花覆長垣鶴在田，博山銅雀滿牀前。  
不妨地主能留客，正值山人欲問禪。  
沈約空懸青玉案，陸

機不負白雲篇，黃花如對蒼顏咲。  
期與登壇看草玄。

送凌真吾歸新建

前年未共賞花杯，今歲花殘君欲回。  
江上星霜真念汝，洛中風雪却憐才。  
淒淒芳草斜陽渡，隱隱寒花細雨臺。  
憶為陽關堪墮淚，扁舟不見待君開。

與子三年坐竹谿，莫因簡畧負幽棲。  
雲中已誤鷗鵬翮，檻下真淹騷梟蹄。  
細雨長楊看白髮，寒

宵短劔對青藜從知此會真難得記取茆齋舊  
滑稽

觀樵有感

握牘觀樵事頗竒海鷗時向接籬窺  
靈陽送暖輝輝滿野色催寒故故遲  
萬里鴻飛天上近一年秋盡境中饑  
商山已許從人老為報簪纓且莫疑

寶樹遙遙隔五陵小軒斜日亦虛凭  
崔嵬肯狀青藜火醕酌猶懸玉井冰  
白髮漸於人事寡青  
愆不啓夜光疑挑燈細讀楞嚴呪  
恍惚如參最上乘

陳元卿病愈

老去交情淡彩雲脫風麋鹿不堪群  
却看司馬還多病欲取圖書手自焚  
雨後青山仍萬里酒邊白髮正斜熏  
舊醅未對黃花盡五月牀頭留待君

城鄙西風悲暮角曉來使者訊文園  
藥囊不檢靈樞秘草閣重開稚子門  
湖上烟波能待汝尊

前薛荔亦沾恩  
好同白苧歌明月  
回首驚看五  
又原

東李鴻臚

肯舒幽意到滄波  
明月秋雲長薜蘿  
此劍一凌  
從爾去關雎三百待余歌  
山中偏稱開黃菊  
幕下無因勸玉柯  
強欲從人縱杯飲  
青雲白髮奈  
愁何

細雨園林花氣柔  
孤村落日正關愁  
一春蓬  
南黃鳥蒲地紅  
搖到白頭揚柳東  
風傳氣

葵秋水念交游  
近來田舍渾多侶  
共醉新篘看  
飯牛

寄孫殿元

四十遊君又別君  
寒宵燈火伴微醺  
半標似種  
三花樹  
逆興如吞五色雲  
買盡黃金猶有賦  
書餘白練已無裙  
南山北斗應多述  
莫使蕭條海上

帝城奕奕力闡開  
獻納何辜鄴下材  
紅樹早依  
仙仗立錦雲  
新惹御香來  
關心朝野紆籌策  
駐



馬風塵問草萊他日山中懷庾信不妨使者走  
黃埃

悼徐言夫

八月逢君洛下來小庭期對菊花開浮埃忽負  
清秋色此日全停濁酒杯風捲斷雲憐聚散雪  
侵衰鬢憶崔嵬年華總老心猶壯昨歲新從帝  
里回

交游奕世托葭莩同看梅花到白鬚兒女情多  
煩涕泪山林日短共棠榆百年畝畝雙蓬鬢十  
尺昂藏一丈夫看取屠龍何事業滿川明月照  
孤株

贈李山翁

煙霞多病卧蘭苕幸着昔冠際  
聖朝鷗鷺一江流滾滾薜蘿滿地雨瀟瀟動隨  
麋鹿行猶健獨抱珊瑚意頗驕落日紛紛豺虎  
亂石門深處隱漁樵

從叔杏翁八十壽

四壁圖書光海屋滿庭春色自燕臺我家福祉


惟翁在他日恩輝有弟來天畔微風傳鶴唳梅  
邊細律奏花開少微直對栽瓜地一片輕雲護  
綠苔

寄王大藩

年來鬢髮白紛紛木國兼葭憶送君同渡故人  
成遠夢倚樓楊柳泣寒雲滇南受簡爭多事海  
上彈冠迥出群作賦幾時重載刻聽鶯臨水坐  
斜曛

對菊

生事驚心未肯忙惜花終日坐花傍綠雲細落  
三千片翠黛平分十二行曉徑裳衣露宿雨夜  
衾爪甲帶餘香若教旖旎當重九不數蓮花似  
六郎



沈山人續集卷之七

五言排律

秋思

野情寄籬菊秋興在湖鷗風偃平川草雲橫曲  
渚舟軒車長日靜樵牧小亭留旂旄花侵戶徘徊  
月在鈎陶潛元有宅趙嘏豈無樓驥足悲千里  
龍光射九秋才懸金馬賦衣亦黑貂裘築室  
依雲谷登山記石頭滄江曛白日綠草卧青牛  
我欲騎鯨去兼葭與轉幽

送盧首乾設帳海上

遊子海邊棹幽人湖上情  
瑤編三百里華髮數千莖  
慷慨青萍劍迢遙白玉京  
非時趨客路何日緩王程  
叢石悲瑩草臨風拂紫瓊  
射鵬頗有想歌鳳欲無聲  
阮籍勞長嘯侯生廢左迎  
風塵徒擾擾雲日故晶晶  
丹鳳需時出靈芝豈易征  
暫浮秋水去還抗曉雲行  
玉露涓荷晞金天麗斗明  
一卮堪洒泪方寸正懸旌  
斜日分襟易殘盃覆酒輕  
斷風吹不盡江上數流萍

贈鄧仲源

萬里悲搖落秋風振客衣  
囊中新譽滿海上舊家非  
買地開甯徑持戈惜落暉  
飛花仍對酒浮世已忘機  
返照共鋤木春山伴採薇  
壺懸青海月圓紫劑并  
鹿野留同隱桃源待獨歸  
參苓能却老莫遣故情違

中秋憶仲子

憶昔吾兒逝中秋第幾過  
不禁蓮漏未其柰月明何  
野嘯親壘魁賓筵負綺羅  
笙歌空外靜懸

淅水邊多命豈文章拙顏非麴米醅感時悲玉  
樹揮泪洒烟蘿花巾沉衣履庭陰沒咲歌自矜  
雙綵髮賸有一青葉莫柳栖單鷓秋江鳴夜  
泉臺成寐莫歲序換蹉跎此世業憐孫小生涯咲  
髮睛近來全廢酒何以慰風波

李封翁夫婦雙壽

珍重尚書府徽音太姒家鳳媒元有托龍種已  
無差玉井含清冽金柯散覆華天香雲外  
霧月中賒霜劍蛟文合覽旌雉羽斜紫  
角翠水泛星槎聖酒沾宸賞宮衣拜籠嘉  
雙白髮芝蓋幾烏紗家擅寰中勝人羸海內誇  
已同房瑄貴不學馬融奢白壁聯雙穗黃金爛  
九葩南山歌裡壽北海席前花青鳥迴雲幄仙  
娥薦筍芽銀箏聽未竟持酒促琵琶

沈山人續集卷之八

七言排律

秋日奉訪徐沈二隱君

短薜長蘿摩詰川新詩細札米家舡白頭撫景  
成三笑金錯者囊只一錢莫謂休文能作賦豈  
教郭泰獨登仙一尊幸捧新秋月二頃寧慙負  
鄙田平碧小樓開綠野高門香碗出紅鮮丹三  
折柳維歸舫重復臨流啓別筵恋恋剡溪還泛  
雪期期流水再張絃蓬牕半啓微風入禾雨初



收落照懸歸夢定于黃葉下釣臺元在白雲邊

沈山人續集卷之九

五言絕句

治隴

宿草岡頭月  
栖雲隴上烏  
照人兼照夜  
一聽一聲孤

朝來屨板築  
荷鍾欵黃昏  
精雨連魂碎  
飛花與泪繁

義滅黃金錯  
恩懷白水村  
一點淚不向  
野人言



咫尺原上草西風魂魄悲相將聚靈窟霜露共  
棲遲

一燈黃卷夜兩榻白頭親何處悲秋月應憐戲  
綵人

親恩從小狎童子即能歌深夜坐杯茗恩情慚  
獨孀

音容久乖隔饒睡夢亦空倘因高隴就只在白  
雲中

絲絲爭日月弱子亦親年猶餘滿懷淚期與落

黃泉

凶棲

白雲覆茆堂青虫掛羅樹人臥蓼花舟雙鳥自  
來去

犬眠綠吏去人靜覺村空獨坐蟾蜍夜先唵蟪  
蟀風

田家

草盛稻苗稀農時已自違呼兒賣黃犢憂稅不

憂饑

歲不問豐歉官家急者租寧芟隴頭樹莫賣水  
中蒲

秋夕

玉露催刀尺秋風馳薜蘿清冰正堪採何處木

蘭歌

重憶菊

月出仍三徑幽魂何處尋藤蘿猶在樹細影落

青襟

孤宇坐還立綿綿幽恨生蕪葭供暝色絡繹送

秋聲

十日山房坐因風拂釣磯苔花行處滿人跡過  
來稀

極嗟風格在豈云筋力疲凌晨與隣叟先吊最  
高枝

小憇

掃石坐清書不聞人語喧冥冥雙鳥去天畔夕

陽舫

觀書

汗簡朝摩後青藜夜展餘當官渾忘却予欲盡  
焚書

垂竿

鱸魚味正美野芹頻入炊漁人不肯貫秋風吹  
釣絲

陳節推留飯

飯顛金釵粟魚流白鳳膏也應知汗血曾否見  
風濤

春遊

解舟泛中流烟波晴浩浩黃犢眠春風牧兒闕  
新草

夜坐

露濕梧桐滿星明河漢踈波平月皎皎流影上  
窓虛

蕩槳

蕩漾湖南曲悠然叩短輪沙崩鷺起波動夕  
陽翻

懷人

國家圖書館 NATIONAL CENTRAL LIBRARY TAIWAN

向晚懷人立孤亭對水開寒空一鴈下疑自薊門來

犀虎刺金刀風濤落彩毫琵琶妙新譜莫唱鬱輪袍

短恨

露滴孤亭泣風射雙眸酸哀哀杞梁妻向隅生夜寒

昨日倚閨人今朝掩閨泣遙天日難暮斜陽度窓隙

新月啣生碧水殘影在簾鈎笛聲何處起短髮不勝秋

綠鬢白麻黃口真芳醕抱愁坐今夕泣涕不成

沙鷗鷺鳥道湖波翻白楊數回臨水立怨殺杜鵑

正行 形影炯猶在依稀隔窓語夢覺竹風涼童子久

白雲在秋草鶴鷓啼荒沙何日埋寒骨悲風吹

斜

齋心

嵩籟此俱寂孤月正當空  
欲放籠中鳥還栽石

上松

短劍

短劍倚孤壁復者離離黑  
常懷季子心不作田

文客

偶成

秋月年年滿人情日日踈  
江清磐石冷候雁過

來初

啼鳥頻驚夢飛花欲近人  
秋霜相識早戀戀白  
綸巾

八月湖水清扁舟不知處  
兩岸夕陽紅玄蟬在  
高樹

水國蕪葭冷玄雲慘慘垂  
黃昏時度鳥啾唧欲  
依誰

西樓

明月揉碧空芙蓉落秋渚  
金篆篆梟龍烟院深人

自語

古意

山徑橫石門斜陽在秋草少小未離鄉不識已  
陵道

秋月

淨洗南塘路孤峯嶺外斜芙蓉墮池水玉笛照  
誰家

閨思

青海千山月黃河萬頃雲塞鴻秋盡到江雨夜

深閨

巧雲

閭闔千門柳崑崙萬片峰誰騎金孔雀頻摘紫  
芙蓉

采石搖空翠華陽控紫旻騎鯨東去者莫是謫  
仙人

山中訪友不遇

石室封瑤草金烏宿落暉山中人不斲拾得白  
雲歸

惆悵金莖露徘徊綠綺琴啓關如喚安飛出紫  
瓊禽

塞上曲

旌旗揚碧空紫駟嘶晚風胡天渺鷹隼羌笛怨  
梧桐

腰裏玉連錢環營說左賢吹笳坐明月一夜不  
曾眠

夜夜空挑戰無人識虜情健兒解胡語偷出受  
降城

獲鯉

錦鯉獲江臯庖人呼濁醪情知有尺素不忍試  
金刀

閨情

日日望行驂荷花落碧潭白雲浮桂醕秋色在  
江南

飛鳥翠雙雙芙蓉帶淺霜自然堪下淚不為聽  
鳴蟬

送道者入山

君騎黃鶴去我採白雲歸  
蘭漿依沙渚隻鳥拂浪飛

滿斗

滿斗孫之七吾齡六十三  
未期仁者壽先已獲多男

憶姪

數畦香稻熟滿架豆花開  
誰為傳隻淚殷勤到夜臺

影似飄籬舍魂疑戀竹枝  
不逢人對語明月下

空帷

憶子

病多親藥物計拙憶吾兒  
忍拂三年櫬還悲兩鬢絲

今年應葬汝隴水華門東  
影落棲烏樹相逢夢亦空

憶衡孫

拂紙垂新淚拋書慰老兄  
吾衰且不定為汝結深情



自遣

滑入金莖露愁深紫鳳臺秋光如會意昨日一  
花開

白髮羞看鏡清秋且放杯老妻抱孫子索我教  
啼詩

赴郭情偏懶看花病已蘇忽逢賣魚者童子逐  
舟呼

書懷

歲月易蹉跎浮名竟若何難將一樽酒重見魯

陽戈

六六壁摩飛棟意中俱買全從他窮到骨不賣口  
高眠

夏日

小院納涼時薰風吹水湄山窓閣筆罷野老替  
吟詩

浙浙風生砌花香夜闔間坐餘蛙鼓歇明月滿  
無虛

甲子夏五月第八孫生



國家圖書館. NATIONAL CENTRAL LIBRARY. TAIWAN. R.O.C.

耕耻無祿含飴復有孫桑弧增氣色甲子在  
中元

沈山人續集卷之十

七言絕句

寄陳元卿

一池荷葉半池蓮  
紅白花開映水鮮  
寄與湖翁何處在  
江籬漠漠又秋天

綠水青萍浪採名  
茨菰不見雨新晴  
北風吹落江南曲  
任是貪眠夢亦醒

草煖沙晴春浪平  
年年唯聽水禽鳴  
江湖亦有垂綸者  
不釣鱸魚只釣名

秋去秋來風自清  
花開花落掩柴荆  
艷歌不似山歌好  
莫恠經年不上城

將過西疇觀穫

江湖愧我交遊少  
邂逅逢人笑語賒  
為報西疇隣舍道  
今年黃菊不開花

時園菊為水所沒

淫雨積徑園菊盡萎秋懷蕭瑟聊短賦

勝斷梁園明曙暉  
苔花滿地草菲菲  
湘裙楚袖俱零落  
何處消魂望白衣

夜夜訴露垂垂此夕淵明欲對誰  
青障日沉

空掩袂白楊風起憶編籬

與李鴻臚夜話

子夜月明庭水空  
玉潭光射錦芙蓉  
江鄉何處無秋色  
只有青山在剡中

玉笛聲疎花氣柔  
忽驚身世在玄洲  
乘閑話起飛瓊事  
一片輕雲過斗牛

銀河一水接西宮  
月在僊人玉笋中  
紫鳳隔雲聲細細  
清陰滿院意重重

漏入晨星露濕衣  
冰心一片寄芳菲  
武陵溪口

桃花笑不見扁舟帶月歸

劉一丈國珍誕辰

長槐脩竹古時園白石後貌尚倚門欲問風流  
文獻在青山明月共開尊

花光歲歲尊中滿世態時時醒後真十二樓臺  
楊柳月也分山色到西隣

杏花卮酒不堪携折得紅渠渡水西共倚胡床  
聽山鳥年光盡向夕陽啼

山房石室... 或有名六十年米

水癖不因陶寫亦虛生

遣興

別墅無人畫輞川桃花新水自年年囊中留得  
千緡在不買胡琴列酒前

秋懷

幼女溪頭學浣紗不將簪鉞恠鄰家上流莫污  
芙蓉水常對西風數落花

秋光

滿眼秋光不可期西風一夜水平池鱸魚初上

仍垂釣黃菊都殘盡剪籬

送徐汝賢入監之京

南湖一曲送行舟  
撩亂湖翁兩鬢秋  
淮水西頭  
江北去夕陽長路為君愁

城頭片片彩雲飛  
君去應須覲紫微  
若見鹿山  
黃閣老為言湖上水啣扉

平明雨後見秋風  
公子乘舟氣頗雄  
莫向咸陽  
羨遊俠且留一劍客飄蓬

溪君北望憶長安  
曾入重圍次第看  
若到錦雲

宮市裡祝君先買水晶冠

水晶冠子綠荷衣  
自買青山自採薇  
傳與錦城  
仙吏道歸來先訪舊漁磯

秋思

交交鷓鴣水平坡  
野渡無人唱棹歌  
一片輕帆  
滿襟淚桐花落盡夕陽多

送道者入山

烟島微茫何處求  
崑崙頂上紫雲浮  
道人跨鶴  
東西去長笛一聲天際頭

赤城山下白雲庵庵裡仙人紫石潭書罷黃庭  
明月小天鷄不唱枕清酣

秋睡未着凌天衢命予賦詩即遵天衢題  
也凡六首村居即事

秋光淡淡蛩音細海色冥冥鳥夢酣明月倒看  
天似洗銀河濩夾白雲庵  
樹頭片片掛青蘿樹下層層佈綠荷樵子遠從  
沙際渡不驚睡鴨亂清波

野人貰酒無以應之

湖邊殘暑一亭孤湖上漁人貰酒無安得床頭  
盈瓮取看君狂飲自喧呼

失瓜

十畝瓜田處處通擊歸亦許野人同不知在昔  
青門者短竹疎籬插幾重

秋曉

孤亭短榻對滄洲水碧玲瓏十日秋月色漸低  
天欲曙吳歌唱出水西頭

漁者

汀洲並舸自相親  
一夜桃源寄此身  
殘月在天風乍起  
隔溪催喚打魚人

附

癸亥秋夜與雨翁聯榻因索翁賦詩翁  
即題即賦殊不久停滯也因附二絕以

紀其敏

凌天衢

詩成倚馬竟如何  
競病才華恐未多  
我自分題翁自賦滔滔  
誰為決江河

長門久慕黃金賦  
海上今逢白髮翁  
夜半吟

詩無紙筆口中片片吐芙蓉

望胡二丈不至

兩月望君君不歸  
秋風又進薜蘿衣  
已留明月孤舟在  
莫待紅蓮花盡飛

何處紅亭勞問津  
曉烟啼豹客愁新  
芷花落處田田水  
迢遞城西舊主人

惜菊

風風雨雨妬花枝  
親自遮培按接籬  
銀藥金盆看守別  
常將小蓋護參差



乍晴乍雨妬花天憔悴花奴守院邊忽報又凋  
銀躑躅當中留得勝金蓮

未明先啓鎖花關繞到花邊又却還怕見金莖  
新涕泪憑闌四顧損朱顏

陶潛歸去倦吟詩只藉黃花對酒卮傳與東籬  
司令者乞留餘剩伴鴟夷

賦得努力加餐飯

胡馬依依向北風南枝蕭瑟雀巢空長干蕩子  
娼家女不道相思落鏡容

採蓮曲

纖白擅郎二十餘隔舡拋水濺紅蕖妾家住在  
橫塘口三十六鱗來寄書

漁父  
聞新市茅屋村  
掛短帘實儼  
今年不欠酒家錢

悼李暉

惆悵天涯重可哀  
薊門誰似李暉才  
不知何處  
悲秋月化作寒灰  
怨落梅

湖上雜言

鷗落平沙莎草寒短袍長日弄漁竿無人肯念  
相如渴欲買櫻桃春已殘

長垣獨樹自成村落盡楊花河水渾細雨霏  
春歆暮漁家烟火對柴門

獨坐

魚委魚沉共寂寞西風白髮坐蕭蕭誰將  
紅葉過魂斷籬邊獨木橋

幽人

鋪茵卧處秋雲落把葉吟餘白雁來花徑十年  
無客掃殷勤不厭野棠開

曉窓明月

十二峯頭開小軒高秋明月送嬋娟天鷄喚醒  
羲皇夢忽有樵人來問玄

右題多凌天衢所命夜卧而口占者也

布衣可終身寵祿豈足賴

元藉詩

白苧新成稱躰裁年年秋盡見花開簪纓最是  
無情物不到陶潛徑裡來

良時無停景

傳休爽

花下流光一轉圓  
秋風前日落江蘩  
白頭莫遣婢娟笑  
夜半張燈啓綠尊

非必絲與竹  
山木有清音

左大冲

師消去後  
又稀音  
誰碎玉門一曲琴  
夜半山高風在樹  
分明彈出白頭吟

門有車馬客

陸士衡

園丁常恐蘭皋礙  
童子惟忻雉尾長  
不惜為君頰抹馬  
莫令顛倒着衣裳

### 種菊

曉色催人開竹籬  
行行个个弄柔枝  
垂簷最愛絕床淨  
睡到斜陽也不知

催喚山妻共起床  
不教三徑一時荒  
栽花元是閑人事  
却笑閑人日日忙

十月寒江春水流  
片帆隨月到揚州  
玉人不是吹簫客  
悔別黃花一度秋

### 夜坐

耿耿銀河低碧波  
涓涓玉露下池荷  
蒼梧水遠

夜堂淨自見山人看薜蘿

草堂獨坐

燕子重來如對語  
芰荷初長即相親  
尋常不到市城去  
行徧六街無故人

悶

花菱魚沉共寂寞  
西風白髮坐蕭蕭  
誰將一束紅蕖過  
魂斷籬邊獨木橋

跋沈山人詩後

庚子之歲先君以貢事寓金陵承恩寺中適江右老學究久病謀歸無以為裝因向先君曰予有板刻一付乃公鄉人詩也桑梓之遺遠人之急先生得無意乎讀之知為興化沈山人詩山人亦素善先君者也乃出橐中裝易之及欲刷行而中多殘缺徧索於昭陽親友絕無此集幾欲付之丙丁今年春偶從閩友方伯郊館中檢得舊本始能校閱詮補復為完刻然書成而先

君已不及見矣俯仰今昔感慨係之夫是刻也  
覓之同邑同時而絕不可見乃一得于豫章之  
人一得于八閩之交相去數千里相隔數十年  
而又皆與予父子相遇不亦奇哉九原有知先  
君子亦可藉手以謝山人矣因識其始末如此  
云

中

萬曆癸丑夏日孟城後學王百祥書於風木堂

